

Evening Gojri News Bulletin

23 April 2024

1700 Hrs

ایوننگ گو جری نیو ز بلیٹن مو رخہ 23 اپریل 2024

<><><><><><><><>

یوہ آکا شوانی جموں بے محمد اشراق عدیم تے مشروف عظیم تین خبر سنو۔ پہلان خاص خاص خبر۔

<><><><><><><>

* 1. لوک سبھا 2024 غا آئندہ انتخابات خاطر زونل سیکٹر میجسٹریٹ غی اک روزہ تربیت ضلع ریا سی مانہے منعقد ہوئی تے نال ہی اس سلسلہ مانہے جموں مانہے بیداری مہم خاطر بکھ بکھ ریلیاں غو انعقاد کیو گیو۔

* 2. حکومت نے افسران تے ابلکاران واسطے ڈیجیٹل دستخطی سرٹیفیکیٹ غو استعمال کرن لازمی قرار دتو ہے۔

* 3. وزیر خارجہ ڈاکٹر ایس جے شنکر غو کہنو ہے جے آسیان غی مضبوط تے متحداً ایسو یشن ہند بحر الکاہل خطہ غی علاقائی فن تعمیری کردار ادا کر سکیں۔

* 4. تے ضلع راجوری مانہے بیشت گردان غی گولی باری غا سلسلہ مانہے فوجی جوان غو اک بھائی نانہہ بلاک کر دتو ہے۔

<><><><><><><>

خبران غی تفصیل نال پہلان مشرف عظیم۔

Reasi Training

ضلع ریا سی غا ڈی سی دفتر مانہے اج زونل میجسٹریٹ غی لوک سبھا چناو غیرے مد نظر اک میٹنگ منعقد کی گئی۔ اس میٹنگ غو مقصد تھو جے ان افسران نانہہ تربیت غیرے نال تمام ضروری سامان وی فراہم کرایو گیو تا کہ الیکٹورل نظام غیرے دوران اپنی ڈیوٹی نانہہ بخوبی سر انجام دے سکیں۔ اس میٹنگ غیرے دوران ضلع چناو افسر وشیش مہاجن نے 3 اسمبلی حلقان مانہے چناوی مرکز تے ان مانہے تمام طرح انتظام بارے وی تفصیلی جائزو لیو۔ اسے دوران تربیت مانہے گھے خاص پہلو جن مانہے چناوی قانون تے تمام سرکاری طور طریقان نانہہ عملان بارے وی دسیو تے زونل میجسٹریٹ نانہہ وی امن امان برقرار رکھن تے ووڑان غی حفاظت تے پولینگ مراکز غی حفاظت نانہہ یقینی بنان بارے وی دسیو۔ اس موقع ور ضلع چناو افسر وشیش مہاجن نے بولتاں وان اس طرح کہیو۔ بائیٹ۔

<><><><><><>

Differently Voters Jammu

آنندہ لوک سبھا انتخابات غی تیاری مانہے محکمہ سماجی بہبود نے ضلع انتظامیہ سنگ رو غیرے جموں مانہے اک بیداری ریلی غو ابتمام کیو۔ ضلع الیکشن افسر جموں سچن کمار ویشا غی قیا دت مانہے یاہ تقریب ووڑان خاطر بیداری تے شمولیت نانہہ فروغ دین خاطر مرکوز تھی۔ بکھ بکھ طور معزور افراد جمہوری عمل مانہے حصو لین ور اپنا حق غی پُر جوش طریقہ کار سنگ وکالت کرتاں وان مرکزی ستیج ور پُجیا۔ واضح رہ جے 26 مئی نانہہ ہو رہیا انتخابات مانہے حصو لین خاطر ریلی نے ملک غا مستقبل غی تشکیل مانہے شمولیت غی اہمیت غی یا دہانی غا طور ور کم کیو۔ مہارا نمائندہ سنگ گل کرتاں وان اک ووڑن نے اس طرح کہیو۔ با نیٹ۔

<><><><><><><>

Digital Signature

حکومت نے تمام افسران تے اہلکاران واسطے ڈیجیٹل سگنچر سرٹیفیکٹ ڈی ایس سی وزارت برائے عوامی شکایات تے پنشن ور ای آفس غی عمل آوری غیرے دوران آدھا ر ور منسلک دستخط نانہہ تمام فائلاں نانہہ اگرے ٹورتان وان ان ور ڈیجیٹل سگنچر نانہہ لا زمی قرار دتو بے۔ اس غیرے نال ڈیجیٹل ماحول غا کم کاچ نانہہ فروغ ملے گو جس نال جسمانی طور ور دستا ویز ور انحصار نانہہ کہٹ کرن غا مقصود نانہہ حاصل کرنو۔ سائیبر سکیورٹی نانہہ یقینی بنان با رے حفاظتی اقدامات نانہہ پورو کرنو ہے۔ جس نال ڈیجیٹل دستخط ور مبنی فائلاں ور آدھا ر نال منسلک دستخط ہونو ضروری ہے۔ تمام انتظامی محکمہ، محکمہ غا سربراہ، ڈپٹی کمشنر، مختلف محکمہ غا انتظامی ڈائریکٹر، بورڈ تے کارپو ریشن نانہہ ہدایت دتی گئی ہے کہ وے اس عمل نانہہ یقینی بناویں۔ اسے غیرے نال ہی آئی ٹی ایکٹ 2000 غی سیکشن 3 غیرے تحت تمام متعلقہ محکماں تے اہلکاران نانہہ یکم جون 2024 توں اس عمل نانہہ عملی طور یقینی بناویں۔

<><><><><><><><>

Samba Voter

ضلع سانہہ غا سرحدی علاقہ مانہہ رین آلا ووٹر ان نانہہ آگاہ کرن تے عام انتخابات 2024 مانہہ زیادہ توں زیادہ ووٹینگ نانہہ مضبوط بنان خاطر اک مشترکہ کو شش مانہہ ضلع سانہہ تے یو تھے سپورٹس تے سروسز محکمہ نے سوپ مہم غیرے تحت اک دوڑ ریلی غو انعقاد کیو۔ جس غو موضوع ”بر قدم غو حساب ہر ووٹ گی گنتی“ رکھیو گیو۔ جہیڑی سرحدی گران پا نگکور توں شروع ہوئی تے 5 کلو میٹر غی دوری ور اختتام پزیر ہوئی۔ یا درہ جے اس ریلی نانہہ ضلع الیکشن افسر سانہہ ابھیشک شرماتے ایس ایس پی سانہہ ونے کمار نے جہنڈی دس غیرے روانہ کیو جت ضلع غا بور افسران تے بکھہ سکولان غا طلباء تے مقامی لوک وی شامل تھا۔ اس دوڑ غا اختتام ور دوڑ مانہہ حصو لین آلا پولیس افسران تے طالب علمان نانہہ اعزاز توں وی نوازیو گیو۔ اکشوانی سنگ گل کرتاں وان ڈی ای او سانہہ ابھیشک شرماتے اس طرح کہیو۔ با ٹیٹ۔

<><><><><><><><>

EAM ASEAN Future Forum

وزارت خارجہ ڈاکٹر ایس جے شنکر نے اج کہیو ہے جے بھارت صحیح معناف مانہہ اس گل ور یقین رکھے جے جنوب مشرقی ایشیائی اقوام اک مضبوط تے متھد ایسو سی ایشن آسیان بھارت بحرالکابل غا ابھرتا علاقائی فن تعمیر مانہہ اک اعلیٰ کردار ادا کر سکے۔ وے عملی طو ر ور آسیان فورم نال خطاب کر ریبا تھا۔ ڈاکٹر ایس جے شنکر نے کہیو جے بھارت بھارت بحرالکابل غا اس اقدام ور آسیان آؤٹ لک غیرے درمیان بھارت بحرالکابل بارے ہم آہنگی، بامی تعاون نانہہ مضبوط فریم ورک فرایم کرے۔ جس مانہہ جامع سکیورٹی نانہہ درپیش لکاران غو سامنوا کرنو ہے۔ اپنے نے مزید کہیو جے آسیان بھارت غا مشرقی ایکٹ پالیسی غا دل مانہہ ہے تے بھارت غا وسیع تر بھارت پیسی فک مشن مانہہ اک ایم ستون غی طرح ہے۔ ان نے اس گل ور وی زور دتو جے ہن وقت اکیو ہے جید عالمی جنوب اپنا نقطہ نظر پیش کرے تاکہ بین القوامی امور مانہہ زیادہ توں زیادہ کردار ادا بو سکے۔

<><><><><><><>

Democracy Track Jammu

جموں گا بجالتہ علاقہ مانہہ سوپ مہم غیرے تحت ضلع الیکشن افسر جموں غی طرفون بیداری بارے اک ریلی غو انعقاد کیو گیو تے مقامی باشندان نے 5 کلو میٹر اس سفر غو آغاز آتمہ ویو پو ائینٹ توں کیو تا نجے گران دیہات غا باشندان نانہہ جمہو ریت نانہہ مضبوط کرن

خاطر 26 اپریل نانہہ ووٹ کہلن ور آگاہ کیو جا سکے۔ قابل ذکر ہے جے سویپ مہم بھارت مانہے ووٹران نانہہ بیداری تے انتخابات مانہے حصو لین خاطر تربیت فراہم کرن واسطے بھارتی الیکشن کمیشن غی اک فلیگ شب سکیم ہے۔ جبڑی اس وقت جموں ریا سی پارلیمانی حلقہ واسطے ووٹران نانہہ بیداری فراہم کر رہی ہے۔

<><><><><><><><>

بے خبر تم آکا شوانی جموں تین سُن رہیا بین خبران غا باقی حصہ نال اشفاق عدیم۔

Terror Attack

صلع راجوری گا شاہدارہ شریف علاقہ مانہے گذشتہ رات مشکوک دہشت گرد ان نے ٹیر ٹوریل آرمی جوان غا بھائی نانہہ چوننہ بلاکت غو نشانو بنایو ہے۔ آکا شوانی غا نامہ نگار غے مطابق ان مشکوک بندوق برداران نے ٹیر ٹوریل آرمی غا جوان غے کہر فائزینگ کر دتی۔ جس غا نتیجہ مانہے اس غو بھائی زخمی ہو گیو جس نانہہ نزدیکی شفا خانہ لے جایو گیو۔ جس نے اس تین پہلان بی دم توڑ دتو۔ یا درہ جے مرحوم محکمہ سماجی بہبود مانہہ ملازمت کر رہیو تھو۔ اسے دوران مقامی پولیس تے فوج نے علاقہ مانہہ حملہ آوران غی تلاش مانہہ کھیر بندی تے تلاشی مہم شروع کر دتی ہے۔

<><><><><><><>

GOC Northern Command

فوج گی شمالی کمان غا لیفٹنٹ جنرل ایم وی سچندر کمار نے اج جموں کشمیر غا بھروواہ علاقہ مانہے آرمی غا کو ر بیٹھ سکول مانہے دہشت گردی سنگ نمڑن خاطر اک تربیت غو جائزو لیو۔ یاد رہ جے 1 بزار 1 سو 14 پولیس انسپکٹران بشمول 146 کا لسریان نانہہ موجو ده تے ابھرتا وا حفاظتی للکاران سنگ نمڑن غی تربیت دتی جا رہی ہے۔ فوج غا اک افسر نے دسیو جے اپنی نو عیت غا پہلا بڑا تربیتی کیمپ وچوں یوہ اک بے جت آرمی اک بی وقت مانہہ بڑی تعداد مانہہ جموں کشمیر پولیس غا افسران نانہہ تربیت دتی ہے۔ جنرل موصوف نے اس گل ور زور دتو جے پیشہ وارانہ مہارت خاطر بھرپور کو شش جاری رکھئیں۔ اس موقع ور تربیت حاصل کرن آلی اک کالسروی نے آکا شوانی سنگ گل کرتان وان اس طرح کہیو۔ با ئیٹ۔

<><><><><><><>

Hanuman Jayanti

صلع پو نچھے مانہہ اج ہنو مان جینتی نانہہ بڑا مذہبی جوش و خروش تے عقیدت مندی سنگ مقامی لوکاں نے منایو ہے۔ یوہ دن ہنو مان غا جنم دن غا طور ور منایو جائے۔ یوہ مذہبی جشن مذہبی گرتن نال شروع ہوؤ جس مانہہ کافی تعداد مانہہ عقیدت مندان نے شرکت کی۔ اس جشن غی روحانی گفتگو نانہہ با گچی مندر تے گچہ دوجا کمیونٹی مرکز مانہہ سُنیو گیو۔ کئی منیا پڑمنیا مذہبی اسکالاران نے بنومان غی تعلیم با راء روشنی کھلی تے ان غا انسانیت، ایکتا، اتفاق بارے دتی گئی تعلیم بارے دسیو۔ اسے دوران صدر باگچی مندر پو نچھے امرناتھے شرمانے بولتاں وان اس طرح کہیو۔ با ئیٹ۔

<><><><><><>

India's Education

وزیر اعظم نریندر مو دی نے اعلیٰ تعلیم ور تازہ ترین کوکوا ریلی سیمنڈ عالمی درجہ بندی مانہہ بھارت غی کارکردنگی غی تعریف کی ہے۔ اک سو شل میڈیا پو سٹ مانہہ جناب مو دی نے کہیو جے مستقبل مانہہ معیا ری تعلیم بھارت غی نوجوان نسل نانہہ مفاد بخشے گی۔ اُنہاں نے مزید کہیو جے سرکار بڑا پیمانہ ور تحقیق، سیکھن تے اختراع ور توجو دے رہی ہے۔ اس

دوران وزیر اعظم نے قیو ایس غا سی ای او ٹنزیو کواکواریلی سنگ وی ملاقات کی جناب ٹنزیو اگلا چند ہفتال مانہہ اس رینکینگ غو اعلان کریں گا۔ یا درہ جے کواکوریلی سائمنڈس عالمی درجہ بندی سبجیکٹ غا لحاظ نال تازہ ترین عالمی یو نیو رسٹی رینکینگ غا گچہ نتایج سانجھا کرے گی۔ جس غی شروعات بھارتی اعلیٰ تعلیمی نظام تون وے گی۔ انہاں نے اس گل ور زور دیتا وان کہیو جے بھارتی یو نیو رسٹیاں نے روان سال جی 20 ممالک بشکار اعلیٰ کارکر دگی غو مظاہرو کیو ہے تے بھارت دُنیا غا سب تون تیز پھیلن آلا تحقیقی مراکز و چوں اک ہے۔

<><><><><><><><><>

IPL

آئی پی ایل مانہہ اج شام چنئی سپر کینگز تے لکھنؤ سر جنٹس بشکار ایم اے چدمبرم سٹیڈیم چنئی مانہہ میچ کھیڈیو جائے گو۔ یوه میچ ساڑھا 7 بجے شروع وے گو۔ یا درہ جے موجو ده وقت مانہہ سی ایس کے چوتھا مقام ور ہے جد کہ ایل ایس جی 5 وان مقام ور ہے۔ گذشتہ روز راجستان رائلز نے ممبئی انڈینز نانہہ 9 وکٹ تون برا دنو تھو۔

<><><><><><><><>

اس غے نال ہی خبران غو یوه بلیٹن ختم ہو۔